


**SACRI ROMANI
IMPERII
ACADEMIAE
NATURAE
CURIOSORUM...**





Lex I.

GLORIA DEI *Medicaque Artis illustratio*, & Proximi exinde resultans commodum, ACADEMIÆ NATURÆ CURIOSORVM scopus esto & cynosura unica.

Lex II.

Presidium Academiae sit Providentiā Divinā : *Patrocinium* conciliet usūs in Rebus-Publicis bene constitutis maximus; quem, si non omnes & singuli, plures tamen & cordatiores venabuntur æstimabuntque, ad incolumitatis sanitatisque propriæ tutelam, omnibus gazis anteponendam.

Lex III.

Quoniam SOCIETAS hæc in GERMANIA prima sumsit incubula, adeoque hætenus Membra Ejus Germani fuerunt, in diversis Imperii Romano-Germanici Circulis viventes, Societas hæc SACRI ROMANI IMPERII ACADEMIA NATURÆ CURIOSORVM appellari voluit, parili ratione, quā extræ Eruditorum Sodalitates ACADEMIÆ audire consueverunt; sperans fore, ut, magis magisque adolescente suo Collegio, tam Ipsius SAC. CÆSAREÆ MAIESTATIS, quam SERENISSIMORVM ELECTORVM ac reliquorum Imperii PRINCIPVM tutelam ac Munificentiam, veluti sine quibus fulcimentis vix diu vigere & consistere valebit, experiatur.

Lex

Lex IV.

Ut ergo tanto feliciora ac firmiora incrementa Societas capiat, & ad tam laudabile tamque proficuum Institutum proficuum Viri cordati promptius alliciantur, danda est opera, ut Ipsi Authoritas major concilietur, Membra vero Ejusdem Honore & Præmiis, quæ stimuli ad quævis magna exsequenda unici & maximi esse solent, excitentur; adeoque a Summo IMPERATORE, ELECTORIBVS, aliisque Imperii PRINCIPIBVS, nec non Liberis Imperii Civitatibus, pro diversitate Membrorum Societatis, in diversis locis degentium, privilegia quædam & immunitates Personales exorandæ sunt: De quarum clementissima ac gratiosissima collatione dubitandum non est, cum COLLEGÆ CVRIOSI non in magno sint numero, & præterea per Ditiones Urbesque Germaniæ dispersi; Ipsi vero ob publicam diligentiam, non minus, ac Professores in Universitatibus, honorum & immunitatum quarundam præmia promereantur.

Lex V.

PRÆSES *Academiae* sit, idemque unicus. Ipsi incumbat rebus *Academiae* ita prospicere, ut quæcunque in eius incrementum aut commodum ullo modo cedere possunt, vel opera, vel consilio sedulo procuret. Præterea peculiari Libro inscribat nomina singulorum Academicorum, addita Patria, die natali, loco habitationis, functione, præterita præsentique, nec non olim, die obitus: Eumque Librum ceu Archivum apud se serio custodiat.

Lex VI.

PRÆSIDI, propter locorum ambitum atque distantiam, ADVUNCTI, velut SECRETARII, quidam associentur. Eorum hæcenus quidem duo solum fuerunt; ipsi tamen nunc sub incrementum *Collegii* numero augeri possunt, pluresque constitui, prout ex re *Academiae* esse videbitur. Eligendi autem illi impo-

(2

ruat

sunt, & quidem a PRÆSIDE, votis reliquorum, si non omnium, tamen plurimorum *Collegarum*, electionem confirmantibus.

Lex VII.

MVNVS ADIVNCTORVM sit, cum PRÆSIDE de *Academia* emolumentis frequentius & fideliter communicare; Medicos alios ac eruditione præstantes litteris præprimis inuitare; *Collegas* in ALBUM receptos, præstitis præstandis, dignis laudibus & Agnomine honorifico, (facta prius cum DN. PRÆSIDE communicatione) uti hætenus factum, mactare; tardantes officii sui placide admonere; Observationes & Experimenta aliunde communicatas, ad locum, ubi EPHEMERIDVM fiet Collectio, dirigere.

Lex VIII.

Iidem sint dispositi ac distributi per loca, qua citius ac facilius cum aliis *extra Societatem Medicis*, præcipue vero exteris, *Commercia litteraria* institui promoverique possint. Unus tamen illorum perpetuo PRÆSIDI adsit, aut certe in ejus vicinia hæreat, ut cum eo de necessariis commodius colloqui & communicare possit. Eidem ADIVNCTO incumbet, PRÆSIDIS, si Is e vivis excesserit, fata mature per *Programma Publicum* intimare, quo a Dominis ADIVNCTIS absque simultate, per vota alius dignus, præcipue tamen e numero prædictorum ADIVNCTORVM, eligi queat.

Lex IX.

ACADEMICI NATVRÆ CVRIOSI (in quorum numerum tantum admittendi Doctores & Licentiati, aut iis Eruditione proximi, omnes tamen Medici aut Physici,) invitati & recepti *ad duo* sint obstricti: Ut *primo* seligant sibi Materiam elaborandam ex Regno sive Minerali, sive Vegetabili, sive Animali, quæ cuique arriserit, nisi ab alio Collega jam tractata sit; *secundo*, EPHEMERIDIBUS annuis conficiendis, augendis atque ornandis indefessam navent operam.

Lex

Lex X.

Si iam, *quoad prius*, quis singularem aliquam medicam materiam sibi tractandam selegerit, illam Domino PRÆSIDI, aut uni vel alteri ex ADIVNCTIS, ante editionem significet, delineationemque tractationis ipsis transmittat, ut, si de eadem materia aliquid rari & curiosi reliquis Dominis *Collegis* innotuerit, illud candide communicari possit, & ab Authore, facta honorifica communicatorum & communicantis mentione, inseri. Eandem ob causam, ut nempe materia pertractanda eo citius innotescat, materiæ istæ selectæ annuis EPHEMERIDIBVS CVRIOSORVM Colophonidis loco subiungi poterunt.

Lex XI.

Materiam talem *Academicus* elaborabit curiose & qua fieri poterit diligentia, inquirendo in rei tractandæ Nomina, Synonyma, modum generationis, Locos natales, differentias, species, delectum, vires tam totius, quam partium, medicamenta tam vulgaria, quam Chymica, tam simplicia, quam composita, nec omisiss, si qui dantur, usibus Mechanicis, eo fere modo, quo conscripsit Rhodologiam suam *Rosenbergius*, Mastichologiam *Strobelbergerus*, Marathrologiam *Schenckius*, Corallologiam *Gansius*, Sambucum *Blochwitzius*, & jam tum quædam Collegii membra sua ediderunt specimina.

Lex XII.

Licitum vero sit Domino PRÆSIDI (nec non aliis etiam Academicis, quibus opusculum ante editionem videre contingit,) cum bonâ Autoris venia & absque ipsius offensione, materiæ perfectius elaborandæ gratia quædam monere, corrigere, addere, immutare, mantissam vel corollarium pro lubitu aut opusculo edendo addere, aut postmodum in EPHEMERIDES GERMANICAS conicere, omnia tamen amice, candide & veluti fraternæ, citra arrogantiam aut invidiam, vel ullius contemptum ac contumaciam.

tumeliam: Quandoquidem rationalis Medici non est, alterum invidiose calumniari.

Lex XIII.

Certum tempus exhibitionis a Medico requiri non potest, cum propter Praxeos negotia sibi & Collegio semper vacare non possit; sufficit si utilitas Proximi & cupido Famæ calcar addant, maturum foetum primum Collegio, postmodum erudito Orbi sistere.

Lex XIV.

Absoluto opusculo Autori & Collegæ *Cognomen*, uti hætenus factum, a Domino PRÆSIDE & ADIVNCTIS offeratur, eoque ille condecoretur. Reliqui Domini Collegæ, qui saltem EPHEMERIDVM CVRIOSARVM collectioni student, eousque Cognominibus careant, donec pertractata curiosa materia, & edito opusculo, priori *Collegii* instituto satisfecerint.

Lex XV.

Qui pensum suum absolvit, non cogitur ad novæ materiæ elaborationem: Sufficit ut EPHEMERIDES GERMANICAS, alterum *Collegii Curiosi* laudabile institutum, pro virili postmodum augeat, & aliis Collegis operi ferat ad exornandos ipsorum labores. Si tamen cuidam spontaneo instinctu novas materias pertractare lubitum fuerit, lubentissime hoc ipsi indultum sit, immo eo magis *Collegii* favorem merebitur, & dignius COLLEGIO membrum se præstabit.

Lex XVI.

Nam cum præter istarum materiarum specialem tractationem, hætenus a quibusdam Collegii membris factam & porro faciendam, maximum Medicinæ præbeant commodum variæ Observationes, Experimenta, Problemata physica & medica, etiam in hac parte, tanquam secundo Collegii Instituto, supra Leg. IX. indicato, Curiosis COLLEGIVM CVRIOSVM satisfacere studebit.

Qua-

Quare Programmata quodam publico, primo seorsim, post cum Anno I. Miscellan. edito, ad Eruditissimos Europæ Viros, tam in Germania, quam extra eam in Italia, Gallia, Britannia, Belgio, Dania, Polonia, Bohemia, Hungaria, &c. viventes, directo, submis-
sisse, honorifice perque amanter invitati fuerunt, ut, si quæ abscondita novæ Curiosa physico-medica occurrant, cum Collegio candide per litteras communicent, & hoc tempore Norimbergam, ubi Actorum nostrorum fiet collectio, potissimum transmittant. Singuli quoque Collega, ab Amicis suis idem beneficii g nus, in publicam commoditatem directum, per speciales litteras flagitent.

Lex XVII.

Observationes illæ, itemque Experimenta, Inventa, Problemata, aliaque huius farinæ erudita Communicata ab ADIVNCTIS, nec non aliis Collegis curiosis, secundum ordinem temporis, quo transmissa fuerunt, in unum corpus colligantur, præmisso ubique Eruditi honorifico nomine, qui quodque communicavit, & cui communicavit: Post ad minimum singulis annis in unum volumen ab ordinario *Ephemeridum* DIRECTORE congesta, Collegii Curiosi Bibliopolæ tradantur, ut subnomine ACTORVM Physico-Medicorum Academia NATVRÆ CVRIOSORVM edantur. Hac ratione quicquid rarioris aut occulti in Physica & Medicina ubicunque locorum resisterit, una quasi in tabula delineatum Eruditis exhibebitur, cum de sincera, prompta & probata communicatione non dubitetur, siquidem multis egregiis Ingeniis hic janua Famæ & utilitatis aperietur, ut, cum ipsis, aliquid singulare edendi, tempus & oriundi non superet, cum ipsorum fama & honorifica mentione in Ephemeridibus tamen id videre possint mundo exhibitum. Quare ut eo citius & lubentius Medici cum Collegio communicent per litteras, Collega Curiosi temperabunt sibi, quin istis communicatis censorium iudicium appendant, contenti simplici narratione, prout res ipsa communicata fuerit:

Li-

Liberum tamen esto, interdum, si similis aliquis casus contigerit, Scholion addere, absque omni tamen mordaci sale.

Lex. XVIII.

Anniversariis hisce *Ephemeridibus* addantur, si qui *rariores libri* in Medicina editi fuerint, & interdum, quid rari præcipue in se contineant, brevibus enarretur; addatur calcis loco, si quis e *Collegarum* numero vivis excesserit, cum honorifica mentione quid commodi Collegio præstiterit, quæ opuscula ediderit, ad-
coque brevisimis vita ipsius & beata analysis enarretur.

Lex XIX.

Si quis *Academicorum* ante opusculi editionem e vivis excesserit, fragmenta ab alio Collega colligenda, & cum præscitu Præsidis, sub nomine Autoris demortui, ut edantur, concessum liberumque sit.

Lex XX.

Quilibet ACADEMICVS alios etiam Medicos, siue illi Germani sint, siue exteri, Germanorum hisce laboribus faventes, aut ipsam in Societatem protrahere conabatur, ut Membra Collegii fiant, aut, ut, si hoc non arriserit, nec ipsorum negotia permittant, tanquam Patroni & Fautores Collegii, reliquis Dominis Collegis & præcipue EPHEMERIDVM COLLECTORIBVS rariora communi-
cando, operam conferre dignentur, invitare.

Lex XXI.

Quilibet Academicus gestet *Symbolum Academiae*, scilicet AN-
NVLVM AVREVM, in quo loco gemmæ sit LIBER APERTVS, in cuius prima facie OGVLVS radiis e nube illustratus, in altera *Lemma Academicum*, NVNQVAM OTIOSVS, insculpta sint: Li-
brum ab utroque latere SERPENTES, corpore & cauda annu-
li circulum circumvoluti, ore teneant; non tam ut ornas-
mentum Ordinis sit, quam incitamentum, ad officium
serio & fideliter exsequendum.

